

盤山志

盤山志序

盤山爲畿東古名勝尚矣然未有山志有之自魏
大師始拙公之初至青溝也其地爲虎豹巢穴刈荆
棘結艸屋以居而虎不敢害且徙去今已成一梵刹
矣遠近之居民以及樵夫牧豎莫不化之拙公念盤
山之名勝其人物詩入建置物產無所紀載則久而
湮沒不傳因自勦一稿家阮亭少司農朱竹垞太史
從而討論攷訂廣搜博采備極精核而其書始成未
披閱再四竊歎山志雖多未有如此之嚴潔者
思歷代諸史不具論至郡州縣志郡州縣之史也修
之不得其人或改竄舊本稍事增補或訪聞失實遂
入登記甚有發凡起例稟奪冗率併體裁而亦失之
者此可以言志乎惟茲山志成于拙菴一人之手而
阮亭竹垞兩君子學有根柢詞無枝葉如耕之有畔
織之有幅畫然而不可紊故其書必傳然又思拙公
旣已悟道埽除文字復畱心于此不幾于文人結習

昭綺語之戒乎然而此拙公之功行也夫盤山終古
不壞而登此山與住此山者有時而壞不有以志之
則其人不傳然登此山與住此山者雖壞而終不絕
于世不有以志之則其作詩文者之用意與建置之
苦心亦等于艸木朽腐已耳此拙公之功行爲不可
及也不然佛家視山河大地一切如幻何有于盤山
卽五山十刹亦比之逆旅傳舍又何有于人物詩文
及建置物產乎拙公遺弟子索序者再余不暇然不

盤山志序

敢辭而唯論其大略後人遊盤山者其必持此以問
津矣

康熙壬申九月立冬日禮部右侍郎兼翰林院學士
加一級王澤弘撰

盤山志序

青溝拙菴大師撰盤山志閱九寒暑至是書成而
俾予序之予卒業三復歎曰古稱贊寧釋氏董狐
覺範僧中遷固若大師者非其人歟天官書言中
國山川東北流尾沒于渤碣蓋北戒之山自終南
惇物中條太行蜿蜒旁薄二千餘里跨有幽并二
州之境屏蔽京師控扼九塞而放乎遼西盤山突
起薊門無所附麗單椒蔓壑自擅雄尊海內言名
山者五岳之外若黃山匡廬天台雁宕武夷羅浮
峨眉青城之屬率儼立傲睨莫有相下盤山片石
乃能與之伯仲甲乙豈無故而然歟自唐文皇駐
蹕茲山遼金諸帝蒞止不一迨于

盤山志序

本朝

翠華臨幸至再

御書 宸藻照曜山谷諸名岳莫敢望焉田疇報命

劉幽州埽地入山寶積受記馬祖普化贊助臨濟

自時厥後尊宿比肩鬱爲禪窟凡此皆茲山之所
獨擅非惟明流秀嶂與他山爭奇勝已也大師早
參諸方嘗謁南華憩佛日峰住五老東西二林間
最後得泐青龍百愚和尚遂卜菟裘于青溝老焉
邈然繼二古德于千載之上機緣契合蓋非偶然
師嘗歎山志闕如毅然思勸爲之述稽史傳廣蒐
釋典山經海錄靡不漁獵以至豐碑斷碣名泉怪
石芒屨所及悉賫油素籍記之其志可謂勤矣發

盤山志序

三

凡起例簡而嚴核而有體有史氏之義焉其書必
傳于後而足備名山之掌故亡疑也大師于詩最
工夙有清晝靈一之目嘗屬予序而未暇以爲昔
劉賓客論僧詩有之曰因定而得境故條然以清
由慧而遣詞故粹然以麗晁伯以嘗述其言以題
黃龍諸老之詩而推本于學士大夫之助以爲靈
一學阮謝而又得李華張繼皇甫冉輩與之遊清
晝爲康樂之裔其相從則顏魯公韋蘇州也然則

予以泐味幸交于師而究無毫末之助寧無遠愧
諸公乎哉

經筵講官戶部右侍郎前兵部督捕右侍郎都察
院左副都御史國子監祭酒王士禎序

盤山志序

三

盤山志序

盤山在京城東二百里而近一日盤龍山蜿蜒盤薄故名一曰四正山山特立無倚遙窠蓮瓣四面如一故名一曰田盤山三國田疇所盤桓太田從盤俗省也今感化寺古碑猶載田氏事云其山多怪石其樹多松石之昂者欲翔欹者欲墜欲壓綿谷互巖松生石罅腫蝨蹙怒而不得逞則往往作蛟蚪拏攫之勢其水皆奔泉從高處下酈道元所稱望山上水可

盤山志 宋序

十一

高二十餘里素湍浩然其間梵宇宰堵之勝神燈鬼火譎詭幻怪之觀與夫龍蛇之神虎豹鼪狸之窟穴高僧隱士墨客之所鐫鑿山皆擅而有之其與江南之匡阜黃海閩之武夷越之台宕粵之羅浮巴蜀之峩嶠諸名山爭雄長于域內宜也然而互千百年來山志亡有探奇之士每以為憾詎非闕畧與抑山之靈有所待如釋氏之所謂緣與拙公來自江右卓錫茲山既闢青溝禪院居之毅然以山志自任而少司

農阮亭王公太史竹垞朱公實飲助之凡屢削藁闋

九寒暑而志成然後山之淡水之秀樹石之幽奇與夫梵刹宰堵之勝神燈鬼火譎詭幻怪之觀龍蛇之神虎豹鼪狸之窟穴高僧隱士墨客之鐫鑿一旦若抉剔洗濯而出而獻奇效靈于茲山以與江南之匡阜黃海閩之武夷越之台宕粵之羅浮巴蜀之峩嶠爭雄長而盤無愧色則志之功顧不偉哉曩余觀察通永與拙公為方外交每欲助成斯志會遷去不果

盤山志 宋序

十二

今樂觀其成為之序所以幸茲山之緣也拙公名智朴受記芻于百愚斯和尚為曹洞宗尤工詩阮亭以清畫靈一方之論者以為然康熙癸酉重陽綿津山人宋焜序

盤山志序

燕京諸山發自太行絡繹起伏巍峩雄偉衛于皇
都以壯萬邦之瞻盤山獨離立兀峙窈窕峻嶒別
開生面公安袁中郎謂其外骨中膚故石峭而木
茂亟稱爲奇觀余早客 輦下屢欲襍被裹糧探
窮林壑久而未果康熙辛酉扈
蹕出古松亭關春往夏歸兩荷

盤山志 高序

一

杖從事偶紀數詩詩亦未佳迄今思之有若不能
忘者歸田以來寓居平湖地皆淺洲曲渚無崇山
大嶺可以陟覽舒嘯思發興一遊浙東天台鴈蕩
金華諸奇勝乃自山荆亡後奉母無人依依邾下
不忍遠離且筋力衰嬾日惟手一編坐檻牖下卽
郊園墊圃經月不一二過焉於戲生平名山之願
于茲已矣拙公忽以盤山志寄示追念舊遊忽忽
十四年慨然興歎余嘗與人言盤山自外望之無

殊衆山一入其境則聳嶂怪壑奇石刻露若奔若
蹲若鬪若墮不可名狀長松美蔭帶阜嬰巒南中
諸山不少巉厓衝湍未有如此之幽邃者
皇上鑾輿上下

陵寢道所經由時來臨憩泉聲松韻每洽

宸襟 御藻畱題輝映山谷顧可無志乘以示永久

乎拙公所撰簡當典善又得阮亭侍郎竹垞檢討

共相訂正搜討無遺使讀者不必身歷其境已有

盤山志 高序

二

會心矣拙公有道力能詩經始青溝爲卓錫地詳

宋牧仲中丞碑記中其與茲山不朽云

康熙三十三年歲在甲戌夏五原任

日講

起居注官詹事府少詹事兼翰林院侍講學士高士

奇撰

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

【更多】 >> <https://www.fozhu920.com/list/>